

響

泉

集

響泉集 詩十一

金匱 顧光旭 華陽 五世族孫鳴鳳校刊

峩眉小藁

丙申夏

丙申夏五乞假養疴峩眉山中竹杖笋輿躋攀及頂王逸少所謂伯仲崑崙者也既而遍歷漢嘉諸勝江山洵美心跡曠如疾亦少瘳焉是夏所得詩如干首皆以峩眉名之差幸半輪山月萬里相隨云爾

乞假東歸留別八首

謁 帝承明最少年如今鬚鬢忽蒼然五湖豈遂扁舟老一疏應蒙 聖主憐得奉晨昏猶報國敢教疾病更妨賢旁人

莫道尊鱸美不似當初顧彥先

慷慨從軍氣未平學書學劍兩無成  
病來瘴雨蠻煙地詩入秋笳曉角聲  
日照大旗看露布馬肥邊草馭風行  
只今幸不煩徵調歎愧壺漿父老情

可憐何事繫人思白叟黃童去後悲  
寒雨郊坳三十里西風涕

淚一千卮

昨冬予卸臬事赴雅回省郊迎者數萬人蓮子武侯祠下三月持冠蓋進酒道旁是日予爲盡醉

行

行南國依蘭闌渺渺中流倚桂旗  
直恨腐儒無展布錦亭東望

### 武侯祠

鹿鹿頻年負薦冠却從馬首望長安  
天街疊鼓春明夢御柳疎鐘太液寒  
仁壽鏡闌懸象魏珊瑚樹老拂漁竿  
洞門對鬻飄陰

雪左掖梨花幾度看

蜀賤遙寄隴頭人  
惆悵梅花漢節春  
柳下未曾經三黜  
老萊苦自憶雙親  
卧疴闕塞存疲馬  
放跡湖山忽小臣  
多謝舊遊頻問訊  
從來吾道不憂貧

笠澤蒼茫尙有家  
年年水上落蒹花  
偶緣千祿持三策  
謬附道經讀五車  
素業未荒收橘柚  
伊人宛在賦蒹葭  
拂衣便覺涼風至  
呼起鷓鴣上古槎

第二泉清客正閒  
秋來松菊好容顏  
舊家門戶惟看竹  
前輩風流半在山  
百瀆水空雲影淨

楊龜山先生講學無錫百瀆之上

三唐人去薜痕

斑

漪瀾堂壁上舊刻三唐人詩

溪邊老鶴頻呼子  
一隔煙霄香不遺

今是無心豈昨非  
布帆遙掛雁初飛  
舟中巫峽雲生硯  
杖外巖眉雪澣衣  
山色江聲留不住  
岸猿沙鳥送將歸  
東吳萬里畢橋月  
一曲南風鼓瑟希

丙申夏五答子端

與子端別久是書發於乙未秋七月至是始達而予將歸矣  
離思紛如卽用其與英夢堂大司寇錢穉石學士喜雪唱和  
元韻奉答兼以誌別

撥自相嘲烏自噴  
故山留得綠簑披  
曰歸細校吳船錄  
扶病驚看白雪詩  
三友歲寒風格上  
八行天遠筆花欹  
棧雲何處徧  
回雁我欲停杯一問之

五年不見見應嗤蒲柳先秋葉亂披蝸舍雨深尋舊夢鳳城山  
好出新詩紫芝清切綠雲上白髮婆娑卧雪歆便欲分嘗真率  
味發言莫賞亦安之

儒術於人未敢嗤羣公下直不停披經筵早布伊川席史局多  
存洛社詩池上馬應驚月墮林邊冠且受風歆生平願學來遊  
意曾過昌黎謁退之

竹井先生不我嗤

英大  
司冠

與揖學士可同披

錢開  
學

何堪萬里孤舟

客更和三公七字詩人到故山眠易穩病侵虛榻坐常歆白雲  
多處門閭在從此晨昏天與之

題李明府四時吟輿圖

殘月花明屋微風柳拂衣如何煙艇外不見一鷗飛  
雲生虛閣中雨在江村外五月釣臺寒還如子陵瀨  
曲徑自通幽方筇不涉險悠悠梧竹間流水柴門掩  
凍雀鳴窗間寒溪夜來雪不見溪上舟但見梅花發

晚泊黃龍溪

彭山  
赤水

黃龍溪上泊抱月卧華雲山色彭家好江流錦水分長吟川影  
動清夢鶴聲聞爲指芙蓉岸空濛有鷺羣

舟過夔頤觀

夔頤渡口夔頤觀曾記傳經蘇老泉底事相思不相訪急流難  
泊下灘船

食荔支

渴不得飲天漿寒饑不得食青琅玕漢嘉五月荔支熟故人遺  
我瑤璫盤盤中甘露五百顆包孕玉液爲金丹琉璃八尺當畫  
臥頗似夢裏吞朱丸啖之不暇愁內熱却憶御苑櫻桃殘櫻桃  
紅時野人餽顆顆勻圓少酸淚當年恨煞荔支香一騎紅塵天  
寶敗飄零白傅倚西樓緋衣烏帽空相對南中諫果不值錢江  
上荷花綠擎蓋今我揚帆采石華綠江已有鱸魚賣

發嘉陽雨

朝發川上雲凌雲佛頭露我眉遙在眼涼氣入巾屨微雨西南  
來江橫草鞋渡

江名

琴書聊可航風濤復奚怒我心旣已困履險



亦廣路方轡

洞名

殊未沉殘鐘出煙樹

宿伏虎寺

山僧伏虎後無虎亦無僧古雪看人跡明星是佛燈鳥呼千澗  
月猿嘯萬年藤一榻峩峩下小心知最上乘

贈餅水上人

儒生仗劍學從軍直上凌烟告策勲消盡卧龍關外雪來看伏  
虎寺中雲蒼崖碧澗初無路野鶴山雞各有羣若對嬾殘吾亦  
笑只煨一芋與誰分

純陽殿用呂真人韻

明月團團懸杖頭行雲端空一不留飛來木葉枕邊墮撐起石

船天際浮扇海長風吹大夢憑闌遠眺登高邱新秋幾日挂帆  
去期爾醉吟黃鶴樓

歌鳳臺

楚狂伯隱  
處臺今廢

世外聞歌鳳臺平草又深斯人辭楚相野鳥和狂吟隱矣復焉  
用已而空此心山謳問誰答流水響前林

響水橋

如何鳳嘴

石名

作龍鳴行過橋來石骨清響激四山雲木外始知

原是響泉聲

山湖

清冷雲中飛霹靂三十三天雨簫笛散作山中朝暮湖潮來青

到我眉春初疑萬鼓泛空林却看潮頭僧卓錫浩浩天根本虛  
寂調調地籟搖澄碧無邊涌起四山聲幾度點頭還是石

玉女峯

在華嚴寺左

昔有邛州牧結茆誦華嚴玉女來饋食滌器臨房檐檐外一峯  
秀垂髻凌雲尖峯頂半池碧掬水玉纖纖纖散花手一笑花  
慵拈身在水晶域却下水晶簾

大峩石歌

上大峩石三字  
川傳古純陽筆

大峩石乃在靈陵太妙天上有大峩寺下有玉液泉玉液泠泠  
汎荆楚此石蹲地不動亦不旋疑是媧皇所鍊補天空五色輕  
消合天縫天驚石破難爲送屹然坐臥不復用不然安得山有

女媧洞或言老聃出函關暫解青牛控此牛無心心化石

山銘  
同有

牛心礪角巖間默而息遂令後世士弄筆恣鐫刻至今斑剝苔

薜皮云是真人呂崑之遺墨葛由騎羊一到此夕陽下山牛不起茂真尊者來大呼山谷響應石自如但逢孫思邈相與掃石對奕爲清娛我尋仙跡不可見以杖擊石行踟躕行踟躕日欲晡石乎石乎歸來乎

神水閣

閣下有巨石側立石  
上陳搏書福壽字

虛閣臨泉上希夷不可逢池平明似鏡杉直瘦於松煮石然空

翠敲雲散暮鐘利鈴了無語一鉢覆孤峯

閣對鉢  
孟峯

茲水信神異荆門渡鉢過沮寒常鑑影驟雨不添波我渴此來

飲僧言可辟疴靈源知未遠  
龍捲接閩河

萬年寺

古白水寺宋明敕修侈極雄麗  
屢燬於火推萬歷中甄殿僅存

空山花發萬年新寶蓋珠幡又隔塵  
十二金人猶有淚三千鐵

佛本無身

舊有三千  
鐵佛殿

鐘聲撼起義眉月  
幡影翻開白水春  
記得

東坡老居士巖前題句坐華茵

東坡有白  
水寺絕句

訪太白聽搦僧潑彈琴處

誌云白水寺卽唐廣濟禪師彈琴處  
按太白詩蜀僧抱綠綺

西下峩眉峯今寺在峩峯下  
疑指此也然無知者

太白遊峩眉遂有登峩作蜀僧  
彈綠綺松風響巖壑今已  
變我行訪青蓮獨立山蒼蒼  
澗水鳴瀨濺疑是潑師琴不識彈

翠處曉月寺門前空林滿衣露

早發觀心坡

舊名頂心坡

夙雲四平凝朝光蕩幽抱斗上乘曉涼僕夫啟子早攬衣升筇  
興開途而蒼昊不見栖巖猿稍闌出巢鳥迴磴露猶瀆微塵淨  
如掃真想落我襟明霞帶林表來者知爲誰是向我眉道同爲  
征路人相期拾瑤草

長老坪

我行繞山腰不復覩山足我行陟山脊又不見山腹故知天下  
奇了不形起伏古臺倚軒轅陰洞闕鬼谷長老爾何人青眉坐  
垂目冥以化諸有破凍滿寒綠瀾瀾鳴細泉森森抽短竹行客

斷糗糧煮雪佐茶粥上睇迷濛中層嶺蔽陽復只恐芒鞋穿將  
投長老宿

鷲殿

志云卽蒲公採藥遇鹿處今  
又稱簇店山下皆蒲公子孫

擺落塵世喧雲光湛幽獨鷲鷲開殿門山深閉白鹿澗香搖草  
花人語出叢木想見采藥翁翠彩霽野服賣漿兩三家石薜延  
板屋平階開廣場依流臥青犢云此巖下居本是蒲公族非隱  
亦非仙容顏若冰玉

九嶺岡

左折下十里許至九  
老洞徑仄不可行

異境無夷途行險非所取直上九嶺岡九老反在下山人爲子  
盲九洞神靈聚黃帝訪真人偶遇一老父不知何許人乃與夙

人侶同登道紀堂別觀三百五

在宋皇觀今廢

至今一不存惟此洞最

古洞亦難可尋去此十里許傾崖出孤撐斷石委榛莽洞口久  
荒穢洞中霧雨雨有泉滿方池掬飲沁肺腑是有神守之閉此  
天地戶官司畏藏姦百夫豈然炬入洞乃大呼各挾弓與弩前  
者持戟矛後者奮擊鼓冷氣入肌骨慄慄毛髮豎亂撲蝙蝠飛  
滅炬不得覩左右諸小洞一一皆可數特有采芝人騎羊復鞭  
虎故知真仙居靈虛洞天府白石開廣庭青衣侍玉女胡僧叩  
屠門何由訪洞主樵徑無來踪植杖且延佇

華巖中頂

五步一留連十步一錯愕及來造茲頂聊憩華巖閣下俛羣嶺



趨嶺翠紛上薄闌干凌萬仞石海波浪作波遠天四空騁望極  
寥廓水畫嘉陽田雲抹成都郭晴霞亘如練千里氣參錯顧茲  
本非頂虛中無倚着乃知大峩心萬象此開拓

蓮花石

我愛李青蓮何年化爲石應是戀峩眉孤花表寒碧

木皮殿

古寺木皮殿殘僧木葉裘半天行赤日六月似深秋

雷洞坪

雷行翠微裏中有彌勒龕雲上光音天下臨不測潭七十二古  
洞藤蔓誰能探鬱勃龍所居欲發羣龍驂雷車載雷鼓僧語雜

未諳却令談天口一噤不得談斜陽澹人影寂坐生虺曼碎匄  
蕩幽默小憇風香柀

天門石歌

我生未攀五岳頂拂衣欲踏三山苔髯眉天半兩壁對筇杖一  
擲天門開此門萬古白石冷烟雲淪沒軒轅臺但道道場救諸  
苦坐看下界紛塵埃古人今人共牢落涼風透體心徘徊銅龍  
門邊客幾載碧雞坊底人空迴看山夔山望不到何意草屨飛  
空來右軍一箋問汶嶺謂與崑崙伯仲同崔嵬崔嵬復崔嵬秦  
皇漢武心雄哉風引海船去安能傍蓬萊卽如此山高高出西  
極騷人逸士幾登陟文章揚馬非仙才杜陵漂泊老無力惟有

匡山李白新詩瀉入峩眉色雲間唵瓊簫石上弄寶瑟

二語李詩

後來作者凡幾人翹首仙山邈難匹風塵浪說大我仙寂寞江

南臥蘇軾不知鶴山魏了翁晉入此門覩奇特但云山下老賢

樓大書四字存遺墨

墨積寺舊有魏書城峯真境額

何不移此懸天門惜乎流

俗無人識人生能著幾緉屐青冥浩蕩開胷臆入門出門歸去

來他時遙望長相憶

峩眉絕頂

世覺三霄近清吟不放高冷光懸夏日塵海渺秋毫悅現金銀

界虛傳虎豹嗥餘霞收未盡杖底走雲濤

拂雲招白鶴鼓瑟七天背人語羲皇代僧翻般若經到今山有

色曠古道無形佇想羣仙下  
驂鸞舞紫庭

頃異炎涼候羊裘替越羅  
添香籠火細拂几補雲多  
夜色浮銅瓦天光定玉坡  
道心正虛寂法鼓應吹螺

遠望修眉色竄哉不可攀  
已能凌五岳何必訪三山  
迥出風雲上高眠星漢問  
明朝采芝朮歸去奉歡顏

觀光臺放歌

有序

五月廿八日登峩眉絕頂晴  
空無纖翳至晚於微雲中見  
佛燈佛燈者星影也夜氣沉  
樹石之間而星光映之故星  
稀而燈疎星繁而燈密星之  
移與隕爲燈之上下臺東向  
夜半後星漸西故燈多聚臺  
下至曙星散或風雨陰晦燈  
不可見無

足怪者次日白雲滿巖壑亭午風定雲平遂覩佛光太陽蔽  
虧與之爲隱現故知日影之所爲按山志載范成大記言佛  
光佛燈之異騷人逸士不揣其本詫以爲神亦好怪之一端  
也因爲作歌以貽山僧

君不見江東顧羈泉西來赤牖行青天掃除雲翳天上坐時復  
拄杖遊日邊九霄一碧散晴鷲千里萬里凝平烟羣山排空疊  
如浪參差林影如藻如苕何芊芊麗經瓦屋

兩山名

列几案山僧

爲我指點巒微西南偏雪嶺照曜銷戈鋌遂使響泉居士拂衣  
直上峩眉巔何莫非天假之奇緣飛鳥不能過猿猱愁欲墮錯  
落星辰杯底隱此時萬點神燈傳吾烏知其所以然夜深雲起

燈漸滅萬壑曉看兜羅懸俄頃雲鋪浩如海海中但覺波洄漩  
雲乎海乎兩不辨山非山兮淵非淵中有明鏡光大圓圓光照  
澈千普賢僧言佛光眾可觀觀光臺上日亭午忽于喁兮長風  
山移海倒雲蓬蓬忽而風兮忽而寂上天下天一色白風胡爲  
而忽來銀溥翻起海眼開雲胡爲乎忽合覆被山河從吐納吐  
納慧曰轉法輪百千萬億見化身圓光五層發五彩光中吾識  
真吾在人人見己不見人謂是菩提開覺海我初見之形模糊  
諦視却觀太極圖雲能寫日日能暈但以積雲之厚薄爲有無  
乃知此山極天與日近太陽之精復何隱沈寥以上不可量日  
月星辰若相遠眾星所居凡幾層露葉相映爲千燈搖空挂樹

無定向使我登臺欲放噫嘻乎吾烏知其所以然明發山潮  
乘石船

蘿峯庵 有序

蔣虎臣太史於峩眉伏虎寺葺蘿峯庵有終焉之志老屋尙  
存寺僧肩巖有詩巾之次韻繼作

睇髮還山認夙因心空及第老詞臣只看明月生蘿壁時有飛  
花上錦茵黃葉堆門聞過鹿白雲移榻送歸人虎溪留照殘僧  
影指點孤峯是化身

洪椿禪舍與玉升和尚夜話

寶掌峯開錫杖泉憑空涌出石華鮮偶然茶話驚獅子撞破當

年玉帶禪

早秋懷沈五莘田兼寄白華榕巢笠湖

一片峩眉月三江佛頂雲瘦筇無住著落葉又紛紛夜雨洗殘  
暑天風醒半醺漢壽秋正好祇是惜離羣

題白華庶子石闌點筆小照兼以誌別

不見吳夫子峩眉綠到天却看圖畫裏同倚石闌邊清露泣花  
影微風鳴竹煙題詩吾未敢桐葉爲君傳

韓筆君自有杜詩堪寫真直探天祕斜點蜀江春百尺綠桐  
樹三秋烏冑巾離心竟何似涼雨下峩岷

同依青瑣闥來傍碧雞祠今我且歸去別君聊賦詩江山朝雨



後猿鳥暮雲時回首天涯石憑闌落筆遲

晚霽

一雨滿秋色巖櫺半掩門涼歸風竹裏香到露葵根巾履染雲氣林嵐浮石根斷霞明滅處迴照入黃昏

寓凌雲山寺

已作凌雲遊更宿凌雲寺月落蘇髯樓懸燈人獨寐

凌雲大佛巖觀江水

岷江北來清衣水沫水西來至此合流而南

去秋江水犯佛足一洗寶趺十丈塵居民登城守三板官府夜祭祈江神今秋江水到巖下落日奔騰迴萬馬沫水深黑青衣引岷江合注波流精三江哮吼戰元黃遶向巖前看一瀉舟人

漁子鼓枻歌直駕慈航歸般若萬斛舟開穩急流巨靈撫掌凌  
雲遊岷嶓蔡蒙禹跡在若夫潤澤須人謀伊昔此巖特奇險怒  
與水鬪無時休唐僧海道集厥力肯壁萬仞雷霆搜鑿山始作  
大佛像頂圍百尺目二丈開元初有沙門海通者哀此習險者  
壁萬仞因作古佛像頂圍百尺目嘴

二丈見韋皋嘉州  
凌雲寺大佛記

覆以飛閣凡七層年多物化空巖巖

通志載  
像高三

百六十尺蓋七層閣以  
覆之咸通後燬棄無存

饑餓寡鶴時去來昨夜月明聞蕩槳舉

杯屬客還酌江凡今誰是韋南康

題贈太僕高公君寵殉節閩中卷

卷首宋商  
邱舊題

烏石峯頭月清光迥可呼寶刀橫斫陣碧血倒銜鬚敗屐戰非  
罪成忠捐此軀男兒有死耳慷慨九人俱

建昌遷秩後得代尙憑城守土無新舊明經一死生

太僕十五  
爲明經

內訶翻被繫奇計未成盟亦有丸泥在何山訴敵情

先帝赫斯怒揮戈靖逆漭旋俘李希烈特表顏平原代有麒麟

閣人看忠孝門貞珉餘世德肝冰日潺湲

登高望山

一名高標在嘉城西北隅宋有神  
醫玉清萬壽宮今俗稱老霄頂

西上嘉陽郭攬衣到玉清極天浮嶺翠斜照落江聲睥睨峩眉

綠跣跌佛足橫長風幾千里黯黯暮雲生

丁東院

黃山谷改  
爲方響洞

碧甃丁東院行人駐馬聽野風吹薜荔方響轉玲瓏舊蹟湮山

谷新詩唱阮亭滴殘驢客夢我欲試銅餅

登烏尤山爾雅臺

舊名烏半浩翁書作烏尤相傳郭璞注爾雅處下產墨魚謂食視墨功化春時

之有

山斷烏尤寺江浮爾雅臺昔人遺墨處而我釣魚來郭璞何曾到涪翁又却迴千年留勝蹟臨眺獨徘徊

九峯詠

有序

余登九峯哀生

流僧禮江

爲指九峯之名因書之石壁而各

系以詩丙申七月廿二日

集鳳峯

在凌雲寺右其上爲雨花臺

欲識鳳來感簫韶鳴帝廷迴翔江影動花雨晝冥冥

栖鸞峯

在寺左坡仙樓清音亭流澗池皆在其上

響泉集

詩十一

我眉小峯

南

無錫顧氏

一重相定本  
栖盤復何處巖壑有清音惆悵坡仙去秋風生竹林

擁翠峯

在寺後有九峯書院  
故址二碑石尙存

平頂合煙嵐人來掃濃翠講堂不可尋斜照殘碑字

靈寶峯

在寺後上有塔塔右一窟奉  
元至正間千峯禪師肉身

趺坐老千峯金剛身不壞鐘聲帶月流塔影當風挂

望雲峯

在塔後  
稍左

昨夜塔鈴語凌雲試望雲故鄉幾千里江上又斜曛

丹霞峯

在山後康熙開川海道汪錫  
齡罷官結茅於此因家焉

源豔貯平林清氣幽發石客有餐霞心誅茅倚蒼壁

尋臥峯

舊名祝融汪觀宗  
葬此予爲易此名

茲山非南嶽之子抱琴卧琴卧不可彈我吟欄松和

就日峯

與丹徒琴  
卧相近

爲戀明主恩賈山遺就日日出自荷鋤鍾桑兼種秫

兌說峯

一名小鳥尤凌  
雲東南小峯也

九峯雲合離君子占麗澤獨立若懷人空江風雨夕

海師洞歌

有序

唐開元中沙門海通于凌雲山鑿大佛巖謂石可改而下江  
可積而平不數歲奪天險爲安流時有郡吏求賄師曰佛財  
難得挾一目捺盤致之事見韋南康記今巖左有石洞相傳  
爲海師栖息處予爲書海師洞三大字作洞門一聯云一眸

懸九頂隻手障三江寺僧伐石以進于是爲記作歌刻之石  
沫之水兮奔流與青衣兮合注瀘江千里兮洪波翻徑龍游兮  
凌雲渡一縱一橫兮蛟龍爭元黃血兮石吼怒石吼怒兮無時  
休手驅山兮駭潛虬鴻濛兮誰鑿浩瀚兮安流神之斤兮鬼之  
斧海師海師兮心與天謀吏怒兮何求酬之兮一眸蘭楫兮桂  
舟士女兮泳游嗟今之人兮不知其由山蒼蒼兮水悠悠維海  
師之烈兮將與天地而長留

響泉集 詩十二

金匱 顧光旭 華陽

五世族孫鳴鳳校刊

吳船小葉

丙申秋

江行凡八十日抵家范蜀公吳船錄之所載靡不經也顧閱  
世久遠山川陵谷之變與夫風土名物之殊見聞所及不能  
隨時考正凡事之當爲而不爲者類如此矣因次途中所存  
詩曰吳船用志予愧

嘉陽登舟酬送者

薄雲含雨下西川飛上東吳萬里船多謫漢嘉諸父老不能職

酒持坡仙

時嘉陽士民爲予寫  
位蓬凌雲山坡仙樓



蘇東坡詩集卷之二

重校定本

敘州雨後寄李七太守

枕江城郭鎖江亭一片戎州雨氣青爲報故人無限思暮濤千里客揚舲

題沈莘田畫峩眉圖

并序

錦江書院諸生乞沈畫爲余贈行彭公端淑年七十九題詩卷後不遺千里送子川南舟次感愧交并率成二絕

昨夜峩眉插江底半輪明月送行舟曉來月落舟行遠却教詩人畫裏收

白髮婆娑面老彭青袍鶴立魯諸生憑君遙與文翁別從此長江放溜行

重題我眉圖

圖具雨雲雪月四景  
茅田有五古題卷首

出山幾日拋邛竹登艫千里窮橫幅上山下山我獨經誰遣君  
心逐麋鹿奔走三巴垂五年遨遊七天惟一僕此時旁睨懸崖  
泉謂是雙飛橋上瀑雙飛合注千丈強石船不定空低昂溪聲  
樹色盡飛動雨勢倒捲巖風長篷窗且作去聲望我閑笑煞朝山

巾墊角沾衣欲濕更留連借屐歸來費滿漚蓬蓬雲氣盪育來  
使我大叫雲爲開雲開不開天雨雪筆掃千林呈皓潔山如巨  
浪噴白濤天似冰壺鑑弱髮聳身絕頂落琪花著手陽和散瓊  
室瓊室琪花亦幻形開門仰見松間月月華如水水涌階當特  
弄月月入懷分明穆穆金波起猶有青蛙沉井底舍之行過萬

重校定本

峯來却顧蒼茫盡中是潛鷗沙鳥傍舟行偷眼斜窺谷軸橫薄  
暮長歌向何處羸肩流影落江聲

### 南溪古臺

何處桃源口南溪問古臺鶯鶯圻上雨點點送青來抱子猿吟

樹將雛鳥啄苔異人不可遇攬景一徘徊唐楊發家此有詩云  
入院時雛鳥學藤

子猿曾逢異人  
說風景似桃源

### 瀘州少鶴山

白華因魏鶴山嘗領州事故爲  
題此揚錫然索余詩即以贈別

九十九峯外行山有九十  
九峯在州西茲峯迥不羣余行初識而前度只看

雲華父去已久清聲尚可聞千秋一仰止別後更思君

### 夜泊

江靜夜聞漁漁人就樹居盲風呼白鳥巒雨上黃魚山果猿聲

落冰斲石籟虛依稀履霜操古渡撫琴餘

撫琴渡尹伯奇彈琴處

舟次渝州贈會令

受一

舊學尊聞錄高文志古篇

竹所製

多君化巴俗勸我泊吳船天地

成秋稔魚龍穩夜眠試看人賣劍放犢過平川

巴峽

渝酒消來悵斷鴻又聽津鼓下巴東攤書白舫疎簾下贈筆烏  
蠻落照中山欲奔灘江幾折鳥方辭樹曲三終偶然流出江雲  
活攬入烟嵐是化工

涪州北巖伊川程子注易處

黃山谷書釣深堂額

響泉集

詩十二

吳船小集

三

無錫顧氏

江水日夜流一覽道消長截江謁伊川寓目成爻象川影落鈎  
深雲容共存養固知易在蜀應信洛非黨雨洗崇巖幽風吟百  
蟲嚮慙然欲平矜何由寄慷慨

忠州禹廟

塗山萬古鬱岩堯禹廟臨江更繫橈殿上鼓鐘三峽動夜來風  
雨百靈朝天開黑水澄秋舞雲起黃龍捲暮潮自錫元圭崇黻  
冕空巖竹柏和簫韶

陸宣公墓下作

忠州屏風山

赤雲如錦翠屏橫白馬東歸萬里塋

公糧已歸吳中

魚水難逢請莫遇

神仙終掛鄴侯名似聞海鶴千年語一酌江楓萬樹聲蘇軾手

書公奏牘古方醫國用調羹

姜維泉

屏風山下

火井烟沉燄已消  
季常以上想風標  
泉開石骨青於膽  
不遣譙周飲一瓢

永安宮

夔府學明倫堂即其故址

英雄握人心疆宇劃天命  
魚浦秋風時號亭冷烟凝  
千年永安宮一弔章武聖  
伐吳報關張憤激出至性  
固知誓師日臣下可無諍  
誰能阻此行徒令歎法正  
丞相捧遺詔揮涕秉國政  
君才十倍餘帝業三分定  
惜此非桐宮奄忽委蒿徑  
行人窺宮牆不復顧破甑  
昨來占五兩南風夜猶競  
竊恐螻蟻怒難爲杜鵑詠

重校定本

握衣明倫堂肅然起恭敬伊周輔孺子禮樂於斯盛

夔州後十賢祠 并序

夔州有三賢祠祀周濂溪王梅溪宋潛溪於郡北蓬峯小閣

日久漸圯太守仲君 純信 將移祠於蓬峯書院而益以邵康

節唐質肅虞雍公陸放翁劉文節孟忠襄閻惠夫蓋與梅溪

夔路十賢之祀後先輝映云余為賦詩以待

東南地氣初轉旋天津橋頭啼杜鵑天生元公圖太極太極亭

懸夔子國 今廢 堯夫觀化老衡門此地築臺還點易 康節遊安

是時賢宰唐子方稜稜風格奇錦章誰與創祠為作記南宋夔

守梅溪王 志云皆介為奉節合通民情理寬賦入為勸史裏行

論文彥博以奇錦媚宮掖非大臣體王十朋守夔為

立祠自爲  
文記之

朝廷晏安限南渡君臣不復知西顧矯詔爭看采石

功允文俊傑識時務區區夔倅陸務觀抗議乃欲收長安

陸游  
爲夔

州判官書陳進取之策於宣撫  
王炎謂經畧中原必自長安始

後先劉光祖孟琪

堪媲美亦如灑

瀕當狂瀾終宋之世沒良牧敵人不敢潛窺蜀白帝城高巫峽

長流風餘韻猶相續事業文章爛若霞當時爭艷紫薇花

閻蒼舒登

王十朋榜進士第二任夔州學教授嘗植杏花  
於泮宮梅溪有詩云不見紫薇即藉見紫薇花

誰謂古今不相

及君看明代宋金華露月光風開後學蓮花池畔闌干角一線

薪傳續瓣香十賢俎豆尊先覺作詩舉酒屬吾徒康濟由來出

大儒日月經天煥星燦致君應共到唐虞

### 詩史堂

宋時漢西少陵故宅顏曰詩史堂王梅溪有  
詩故址蕪叟仲太守屬書是顏懸之新祠



不向聲詩尋六義豈知良史擅三長杜陵老叟今何處夔府孤  
城尙草堂萬里雲靈開赤甲百川秋水濯瞿塘灑西在昔頻移  
徙好護新祠薜荔牆

灩澦堆

誰謂灩澦高我覺灩澦卑削根千仞涸地底漩澗灑滯石骨摧  
如何久踞峽門口任爾鼓蕩波成堆有人謂是一足夔萬夫莫  
撓夔門開世間無獨不有對而此子立胡爲哉倚恃瞿唐勢千  
丈欬然如馬復如象一朝水落皮骨皴赤甲白鹽安可仰我泊  
瞿唐舟浪打灩澦頭舟人環顧不敢下飢蛟昂首江心浮坡老  
譽之爲作賦龍門砥柱豈匹儔淶水滔天愁溟滓當時灩澦潛

深井不然所至驅象犀豈肯舍此遺道梗喧騰震撼勢方逞能  
令我輩發深省聖人遺此未竟功生聖人後得毋警我欲鏟此  
廻洪濶約束東下平諸灘嗚呼安得瑤姬玉篆科蚪字呼召百  
靈聽役使

八陣圖

洪濤日奔騰浩若金鼓震予臨魚復浦憑高覽八陣象馬紛前  
驅舟楫不敢趁六十有四蕪漫汗安可認我聞八陣三壘石事  
摩揅一置棋盤市一布彌牟鎮惟此方陣法用守固陵郡四頭  
與八尾觸處首堪振擊中兩背救握奇妙神運顧茲卵石微千  
古一不紊豈不剷除之鬼神保胸臆雄兵十萬眾八行等尺寸

自從黃帝來此法見亦僅李靖拾遺意徒以樂舞進我公真天  
神一表追典訓臨危屬大事因知臣謹慎臣惟盡臣職安所覩  
利鈍莫問常山蛇可以擒陸遜

先主廟

永安深殿託遺孤先主何心悔伐吳漢賊始終無兩立弟兄生  
死必同扶苔移虛寢龍蛇出木落空山鳥雀呼今古風濤餘舊  
恨大江日夜下夔巫

武侯廟

武侯遺廟對瞿唐慘澹丹青草木長帝業三巴淹日月臣心二  
表質高光參天松柏悲搖落匝地風雲接混茫決志殲身辭後

主少陵何必問南陽

杜詩舊聞辭後  
主不復卧南陽

### 高唐觀

朝雲暮雨自高唐宋玉微辭諷楚襄豈謂騷人真弟子祇將詞  
賦媚君王千秋文藻歸殘夢八月天河落曉霜惆悵荒臺尋不  
得郢門烟樹鬱蒼蒼

### 白帝城

馬援昔赴蜀未到子陽城龍去巴東水蛙沉井底聲不知真主  
畧豈惜故人情獨立憑天險君看吳漢兵

### 瞿唐峽懷古

汶水來何極千江匯此閒浪花魚復國帆影虎牙關日月愁三

峽風雷劈兩山却看神禹迹慘澹暮雲殷

盤渦深不測一線入南荆風急黃陵廟雲開白帝城三分猶漢

業八陣自江聲無限興亡感回看鐵鎖橫

志云白帝城下關江鐵鎖宋景定間守將

徐宗式

王濬樓船下桓溫戰艦過豈宜如象馬未必不風波後夜聞吳

詠當年聽楚歌疏傳被蕭銑秋漲躍雕戈

不有坤維會寧爲天下谿魚龍蟠上下今古限東西峽口星河

直瀉頭灑瀕低杜陵人去後月落又猿啼

中秋

口寸餘年汗漫遊紉青宮畔過中秋歸來應得高堂笑無那癡

兒已白頭

十六夜峽中玩月

十四夜月江水高十五夜月江水消十六之夜月在峽風吹月上驅銀濤清風明月於我厚伴我連宵守峽口今來入峽更相邀玉鏡虛空光北斗神女峯頭乍逶迤凝真觀外尙依稀峽中如線渺千里惟有此月從中飛峽急山高月初吐楚天何處疑雲雨帝女瑤姬雲母窗玉鈎銀箔開珠戶金支翠旗何渺茫洲靈挾瑟上高堂雲中瓊珮神絃度塞上琵琶幽怨長此曲有意無人傳東檣西舫各悄然女嬃耶裏砧聲斷宋玉宅前風影翻砧聲風影夜淒淒西陵峽東巫峽西奔流箭急匆匆去沙鳥驚

寒時一啼金波淨洗啼鵲血雲鬢帝子蒼梧泣年年此夜洞庭  
秋誰知皓魄窺三峽應有仙人倚短篷峽中都作玉壺空遂將  
吹笛騎黃鶴不用登樓做庾公老子於此興不淺荷衣挾彭飛  
江面渺渺休猜交甫懷團團欲轉班姬扇方舟遙夜劇清寒玉  
繩低壓星闌干拋殘諸葛雞鳴枕爛醉青蓮白玉盤青蓮攜得  
峩眉月行到巴江明復滅乘風破浪捉蟾蜍蟾蜍却走蛟龍窟  
少陵入舟翻不樂峽外無天月先落二子文章光燄長至今萬  
事皆如昨我亦朝辭白帝城遙遙鼓柁下江陵江山如許能留  
眼一片冰輪相送行

歸州三閭大夫廟

廟後有  
屈墳

歸州本是三閭宅萬古湘江怨子蘭魂返楓林漁火白砧吹蕙  
帶暮風寒文狸赤豹驚濤岸桂榴蒸棹脫葉灘兩泊大夫祠墓  
下美人遲暮夜闌干

峽中絕句十四首

白帝城東出蜀門中流容與翠堪捫淡雲微日穿三峽只愛看  
山不聽猿

孤舟片席曉雲重數到巫山又九峯夢裏不知衣袂冷秋簫蘸

筆寫芙蓉

十二峯不可悉見蓋淨壇想雲上昇三峯  
在南岸離江二十里惟在山頂則見之

峽裏行雲浮日光偶然風至憶襄王幾篇詞賦工何益爲弔江

天白首郎



悲秋興味最蕭森  
問訊當年楓樹林  
一枕篷窗看馬跡  
奔灘斷石聖人心

霜落猿愁樹影稀  
巫山巫峽淚霑衣  
謫仙漂泊坡仙老  
若個詩人一舸歸

劉白飄零唱竹枝  
竹枝孃孃尾聲遲  
不知何事愁多許  
半是哀猿半子規

巫山女子善吹簫  
碧玉搔頭金步搖  
昨夜月明照三峽  
唱歌人倚木蘭橈

秋風亭子倚巴東  
打鼓開船月滿篷  
攜得半瓢中峽水  
柁樓遙薦寇萊公

灩澦堆邊送急湍空舸峽下落驚灘分明小李將軍畫擬入倪  
黃合璧看

暮雨斜風弔屈平女嬃邨外一燈明書生騷雅真餘事直要身  
心澈底清

上灘百丈聲遲遲下灘箭激風颼颼江山佳處領其要痛讀離  
騷與杜詩

高灘急峽北風吹滿黃陵廟裏旗萬古三朝復三暮夢醒馬

耳憶京師

見蘇文忠  
黃陵夢腹

亂石淙淙挂水簾雨收風止記郵籤不知第四泉何似雲底緞

蕞露鼻尖

鯀墓積泉從巖腹流注鯀墓口鼻間此第  
四泉也時還雲壓巖江流瀉激不得消

長江如線劃洪濛安穩歸舟到峽東七百五灘都過盡半帆猶  
借大王風

出峽

下峽行舟如葉飛江津倚檻青山微三遊洞口踏蒼蘚一柱觀  
頭眠落暉南斗片帆入我手西風萬里吹人衣髻丫枋外金釵  
繫網得鱖鯉魚正肥

雨泊

路入松滋縣江平野色迷淺行楊柳樹何處鷓鴣啼鄭圃田禾  
熟懷王墓草萋章華望不見煙雨郢門西

荆門四首

蕭蕭章臺柳湛湛江水長  
騷騷青驪遊凝凝降微霜  
頽頽秋氣白淒淒木葉黃  
蔡謳奏綠水秦瑟鳴洞房  
長鬢衰高會盛鬢嘆年光  
平蕪兩東門久沒三休堂  
行行弔屈宋蛟龍隱文章  
眇眇獨愁子鼓柁歌滄浪

屈子行江潭庾信哀江南  
漂搖宋玉宅胡姬歌且酣  
川瓊挂翠嶺微涼嫩素襟  
秋闌生堂上霧雨何淫淫  
山鬼薜荔裳舍睇女蘿陰  
遺此萬古思一往不可尋  
渺渺楚天闊悠悠湘水深  
江介多悲風回颿吹我心

日落雲夢澤川途勢多端  
瀟高一以眺撫髀淚沈瀾  
坐談客竟去野鷹橫空盤  
樊囊扼南北豚犬啖曹瞞  
炎鼎熾餘燄赤壁明

長湍使君豈不偉尺土藉公安天命其如何人事良已殫  
支枕一聽搖艫起視星闌干

不願萬戶侯願識韓荆州相思不相遇獨上明月樓  
風吹九江樹水抱空城浮雷雨蠶龍去煙波矯鳴鷗  
王粲有餘哀孟嘉亦悠悠神情會獨得命駕龍山遊  
秋色淡無極浩然送歸舟行下沔鄂惆悵茲夷猶

岳陽樓

木葉洞庭風巴陵勝槩中江湖三楚盡天地一樓空  
酒醒秋滿白詩成夕照紅長懷范文正憂樂與時同

望仙閣

折閣樓右

湖水搖空綠雲鬢送遺青夫  
君澹容與吹笛又揚舠邀月攜仙  
侶乘風過洞庭桂漿斟北斗何必獨吾醒

城陵磯阻風晚望洞庭君山

北風卷席鷁退飛漁父招我城陵磯  
磯頭遙對洞庭口琉璃破碎愁落暉  
儵忽捫天下無地康回慙怒傾璇璣  
或言羿射白龍目巴蛇脫骨堆封豨  
或言秦皇與神忤三辰慘澹漂旗旂  
或言龍宮嫁龍女明璫納穀雲霏霏  
猿啼虎嘯杳莫測神鴉啞啞如道饑  
欲下不下啄飛肉錦鯉呀呷霜刀揮  
煙鬚十二動浮影萬頃平鋪江月微  
揚盃橫波善窈窕心知帝舜之二妃  
神來如雲去如霧連蜷遺舉華采衣  
遺余玉珮忽無覩但聽湘靈鼓瑟希

是時九月氣澄霽霜黃落木葉漸稀景響無應夜蕭寂新蟾老  
蚌交光輝嗟余嗜古好奇服陸離長鉞驂兩駢四海論交白日  
晚廿年出入青瑣闕提劍救邊搏彫虎長孺長揖還東歸風波  
飽歷亦何有吾道迤邐終不違沙鳥汀鷗起蘋末胡爲來此風  
穴依賒取君山一斗酒爲君深夜彈明徽

赤壁

嘉魚

赤壁爭雄何壯哉水容山態綠莓苔東風北走烏林岸南鳥西  
飛銅爵臺瑜亮同功飛一鼎煙雲異代數羣才星星漁火兩三  
點醞酒中流用劫灰

登黃鶴樓

鶴去樓空客放歌，千秋鄂渚自烟波。白雲一唱詩篇少，芳草長

埋戰骨多。

甫史夏口嘗爲戰地，多暴骨。蕭秀於黃鶴樓下祭而埋之。

豈獨飄殘鷓鴣賦，直教

搥碎鳳凰窩。

在黃鶴山左，高觀山第一峯。明太祖駐旌受降，碎鏹金貼於此。

不知吹笛人何處。

帆影江聲檻外過。

漢口舟夜蔣明府

業符

枉過出詩稿，見示喜贈長句。

夜雨連檣漢陽郭，漢水初從天上落。仙人飛鳥雨墊巾，投我新

詩不雕鑿，翦燈細讀半卷餘。我喜而愕，繼以忤信，知侷儻才不

羈天骨，軒然脫塵縛。意愜清親興，欲飛高吟，只恐驚黃鶴。湖自

國風始，二南詩亡，然後春秋作。四始六義治道存，後來學士賈

淹博，兩漢三唐傳。幾人開流激蕩，爭騰躍，聞鷗忘海鳥，知歸香。



象渡河魚自樂李杜無人韓筆亡寥寥數公才力弱豈惟綺麗  
無足珍性情不至皆糟粕讀君長句氣益振曹霸凌烟寫褒鄂  
來看颯爽毛髮青去若寒光聚鋒鏑洞庭木落江始波九派風  
濤日迴薄恨不攜君十日談楚雲一掃看寥廓今我還山且讀  
書不爾心神竟安托爲君灑掃湖上山他時卻話晴川閣

過黃州望赤壁示同舟諸子

遺如蘇軾在黃州一葦瓢然赤壁秋日月澗何人異代江山信  
美客同舟孤雲野鶴空殘夢遺響悲風振遠邱斗酒與君銷此  
夕洞簫吹破古今愁

西塞山

危峯橫出斷磯立高浪捲空樓翠攖鐵鎖沉沙餘楚塞布帆落  
日下齊安散花酒盡青山晚漁父歌成白鷺寒咫尺驚濤落天  
壘祇疑風雨老蛟蟠

廬山東林三笑堂同陶堂可上舍觀壁間石刻王陽問次  
顏邵二泉遊東林詩依韻和之

我尋白鹿拾瑤草青天四望廬山好滿把芙蓉過虎溪千年一  
笑秋光老絕壑長林猿狖哀屏風九疊天爲闕不知王邵遊何  
處萬里提攜綵筆來雁門片石空回首欲貰柴桑新漉酒諸公  
於此幾經過初地却傳三不朽君看黃葉下空庭蘆荻蕭蕭雁  
滿汀香爐烟散鐘聲寂五老鬚眉似舊青

夜話亭坐兩追懷歐陽公

在圓通寺公與居前  
禪師論道達旦處

歐陽遊屐經過處暫憩繼牀証素心學幻言隴公所惡

歐陽處  
山高仙

蘇軾子亦往往而逢兮  
善書惡其學幻而言禪

星移物換兩何深小亭遺構製非古往

事老僧傳到今半日蕭蕭倚寒竹恰如侍坐匡廬陰

自圓通寺雨行晚至東林宿三笑堂

楓烟冷逾白松雨香入溪稍稍濕巾履石路交新泥尖峯批馬  
耳斷礧隱虹霓暮投東林歇山暝歸禽棲殘僧具燈燭爲我炊  
羹藜嵐氣欲滿室林聲不知蹊假寐三笑堂獨覺聞晨雞傾泉  
迸幽耳奔流遶溪西陶公亦竟去庭樹孤猿啼

訪周濂溪墓

九江志載墓在府城南十三里清泉社栗樹  
嶽下漏訪無復能識惟道旁一碑近人新立

江漢源流合清泉社稷泉鬪書懸太極邱隴沒寒烟吾道可觀  
水人心同愛蓮瀟溪去不息雲影落長川

九月廿四日溢江舟夜借雨聊短述

朝見天池鐵船定暮看濕布廬山真鐘聲送我上船來香爐煙  
起墜風雷蛟舞鯨奔鼓鬚鬣燄濤倒捲吞天白只愁摧塌琵琶  
亭霽濕青衫飛鱗懸飛鱗蘆花洲天公大笑電光流一洗江  
山萬古愁

江行感興六首

春宮折瓊枝榮華未彫落乘鸞馴玉虬傾耳聆廣樂弭節望洞  
庭涉江攀杜若奄忽西日曠湘娥復焉托

赤岸鼓洪濤，柴桑薄餘波。中有遺世士，遯跡鄰湘娥。夾漈築魚  
筌，平靄挂雲羅。機心吾不設，請和滄浪歌。

迴風振林莽，蕭蕭與雁俱。平楚樹如薺，萬籟哀笙竽。人情同懷  
土，安能凌虛無。薄雲歸高唐，朝日睇三吳。

我行阻滙浦，朔風厲以長。動靜占五兩，川塗亘相望。密邇庾公  
樓，斯人久云亡。悠然匡廬山，日夕空青蒼。

明星何爛爛，寒江耿斜漢。蘭干落層瀾，起視夜方半。攢笳凜秋  
浦，微鐘逗霜岸。平生懷古心，慨然念陶侃。

日倚木蘭檝，不識木蘭洲。飄搖木蘭樹，墜露不可收。寒潦亦已  
淨，孤霞明道流。羣動各歸止，吾生復何求。

漁父辭

嫋嫋兮竹竿垂虹霓兮坐風滿鉤素月兮千尺俛瓊蚌兮水碧  
洞八方兮浮家渺宇宙於盤石漁父兮何求不漁名利兮固上  
下同流與子觴兮蘋末酣綠雨兮中洲亭煙兮竿曉挂吾簑  
兮逐鷗鳥

小孤山迎送神曲二首

并序

阻風潯陽連檣湖口越四晝夜九月廿九日亭午抵小孤山  
子禱於神曰乞假順風安流而下當爲迎送神曲舟甫過山  
波淨如拭風帆不驚擣筆陳詞用嘉神睨

紺碧兮崑龍眇舍睇兮雲容容悄凌波兮玉立乘青兕兮騫驪

龍顧前驅兮使豐隆鼓予棹乎江之東景嚮兮如應昭昭兮水  
鏡神不來兮漂搖神之來兮風正神來而往兮不可度思千帆  
蔽江兮望神之扶持

白茅兮三脊桂槩兮靈液潔齋兮告虔拊石籟兮鳴素絃神所  
憑兮何所據虹蜺而欲旋悅孔蓋之播搖兮揚翠舲之颺翻處  
層城之瓊臺翼青冥而冲天大江之東與其西兮神何所而不  
宣紛擊鼓兮怵舞神之去兮凝青煙凝而爲山之體兮亦沛而  
爲川

蟻磯廟

朝行蟻磯畔雲霧儻已沉回風激頽波中有烈女心蕭蕭楓葉

赤湛湛江水深昔者孫劉戰夫人義難任一死兩不負流聲滿  
江潯雌蜺澹寒日雄劍鳴霜林不測神靈意但聞龍豈吟龍吟  
復虎嘯環珮渺遺音西南望白帝萬里結層陰

長歌行

夜泊天門山作

我不戀淮南之叢桂亦不憶江東之蓴鱸秋風挂席八千里醉  
中已過宮亭湖湖邊大孤復小孤爲我分風直下浮當塗排空  
徑向天門呼天門中斷開三吳斜日欲沒飛檣烏布帆欲落當  
門樞謫仙人去一瞬耳前舟不待吾登艫人亦有言矢之東隅  
收之桑榆種秫七十畝種桑八百株男兒生無所成老將至但  
飲美酒酣呼盧五侯十貴盡黃土石家豪富傾綠珠吾豈若是



小丈夫五白六博一擲百萬爭樗蒲有茶一壺有香一爐有琴  
挂壁絃非無如此亦足以樂矣太和一室全真吾叩柅長歌見  
新月二更月墮空寒蘆平波不動霜氣白漁父鼾睡煙糝糊歸  
去來兮田園將蕪雙親兩華髮看予抱孫膝下爲含哺一奏雲  
門曲再彈鳳將雛二泉水碧菰川菰湖上白雲如白鳧天門蕩  
蕩指衡宇山鳥山花吾友子貽財子孫益其愚范蠡貨殖非吾  
徒

響泉集詩十二

無錫文苑閣排印